

### Headlines

1. मुखमंत्रि उमर अब्दुल्ला होरें जम्मू-कश्मीर गी फिल्में दे निर्माण आस्तै इक आकर्षक थाहरै दे तौरा पर पेश कीता ऐ। मुम्बई च स्थित आई.आई.सी.टी स्थित संस्थान कन्नै एहदे लेई सहयोग पर जोर भरेआ।
2. सुरक्षाबलें राजौरी जिले च तपाशी अभियान दरान साड्डे त्रै किलो दे इक आई.ई.डी गी कामयाबी कन्नै नकारा करी दित्ता गेआ।
3. कल्लै थमां शुरू होआ'रदे दो दिनें दे विंटर कार्निवल 2026 आस्तै भद्रवाह पूरी चाल्ली तैयार।
4. जम्मू-कश्मीर आसेआ कल्लै थमां जम्मू दे कन्वेंशन सेंटर च प्रदेश दी पैहली-पैहली राश्ट्री सतह दी खेड कांफ्रेंस दी मेजबानी कीती जाह्ग।
5. ते मौसम विभाग नै अज्जै थमां प्रदेश दियें उच्चियें धारें पर बर्फबारी दी भविक्खवाणी कीती ऐ। अगले दो दिनें दरान जम्मू दे पदरे इलाकें च घनी धुंध पौने दे असार ना।

<><><><><><>

### CM-IICT Visit

मुखमंत्रि उमर अब्दुल्ला होरें आखेआ ऐ जे जम्मू-कश्मीर सरकार केंद्र शासित प्रदेश गी फिल्में दी शूटिंग आस्तै इक मशहूर थाहर बनाने लेई लगातार जद्व करारदी ऐ। उनें आखेआ जे एहदे लेई लोडचदा बुनियादी ढांचा कायम करना अत्त लाजमी ऐ ते नेहू च मुम्बई च स्थित Indian Institute of Creative technologies ज्नेह संस्थानें कन्नै सांझ भ्याली बडी जरूरी ऐ। मुखमंत्रि होरें मुम्बई च I.I.C.T कैंपस दा दौरा कीता तां जे जम्मू-कश्मीर सरकार ते संस्थान दौनें बश्कार संस्थागत सहयोग ते विद्यार्थियें गी उत्थें फिल्में दी पढाई आस्तै भेजने लेई मौकें दा पता लाया जाई सकै। उनें जम्मू-कश्मीर दे नौजवानें लेई Animation, V.F.X ते Gaming दे क्षेत्र च सिखलाई ते हुनर विकास दी जरूरतैपर लोऽ पाई ते युवा प्रतिभाएं लेई राश्ट्र सतह दी सिखलाई दे मौके उपलब्ध करोआने लेई आई.आई.सी.टी कन्नै सहयोग पर बल दित्ता।

<><><><><><>

### IED-Recovery

राजौरी जिले दे ककोडा ग्रांऽ च घेराबंदी ते तलाशी अभियान दरान सुरक्षाबलें इक आई.ई.डी बरामद कीती ते इसी कामयाबी कन्नै नकारा करी दित्ता। आकाशवाणी जम्मू संवाददाता दी रिपोर्ट मूजब तपाशी अभियान दरान इक बंद बैग बरामद होआ। जांच करने पर सुरक्षाबलें दे बम्ब निरोधक दस्ते गी बैग दे अंदर तकरीबन साड्डे त्रै किलो वजनी इक आई.ई.डछी बरामद होआ, जेहदे मगरा बम्ब निरोधक दस्ते आसेआ इसी सुरक्षित तरीके कन्नै नकारा करी दित्ता गेआ। इस घटना दरान कुसै बी जानमाल दे नुकसान दी कोई खबर नेई ऐ। एह कार्रवाई संभावित खतरें गी बेअसर करने ते बसनीकें दी सुरक्षा यकीनी बनाने लेई इलाके च चला'रदे सुरक्षा उपाएं दा इक हिस्सा हा।

<><><><><><>

### Security Tightened

गणतंत्र दिवस आले समारोहें कोला पैहले जम्मू-श्रीनगर राश्ट्री जरनैली सिडक एन.एच-44 पर सुरक्षा बवस्था निगगर करी दिती गई ऐ। कुसै बी माडी घटना गी रोकने लेई बाद्दू सुरक्षाबलें दी तैनाती कीती गई ऐ- जांच नाक्के स्थापित कीते गेन ते गड्डियें दी बवस्थित आओ-जाई लेई सुरक्षाबलें दी गश्त बी बधाई दिती गई ऐ। इस सरबंध्यै च होर जानकारी दिंदे होई उधमपुर दे एस.एस.पी अमोद अशोक नागपुरे होरें आखेया

तोआई, उधमपुर दियां डिप्टी कमिशनर सलोनी राय होरें आखेआ जे 26 जनवरी शा पैहले इक्क अभ्यास कायक्रम दा सरिस्ता कीता जाहग ते एहदे लेई सब्बै तयारियां मुकम्मल कीतिआं जा करदियां न तां जे जिला सतह दे समारोहें गी बवस्थित ते सुरक्षित ढंगै नै तोड़ चाढेआ जाई सकै। उनें आखेआ

<><><><><><>

### **Bhaderwah Winter Carnival**

डोडा जिले च भद्रवाह मेगा विंटर फेस्टिवल-2026 लेई पूरी चाल्ली तयार ऐ- जेडा कल गुल-डंडा ते नमें बस अड्डे च शुरु होग। दौऊ दिनें दे इस उत्सव दा मकसद स्यालै दे सैलसफा गी बढ़ावा देना- इस इलाके दी सगोसार सांस्कृति-विरसे गी उजागर करना ते मुकामी अर्थबवस्था गी बढ़ावा देना ऐ। मेहमानें गी बर्फ कन्नै जुडी दी गतिविधियें- रंगारंग सांस्कृतिक प्रदर्शनें ते परम्परागत पकवानें दा आनंद ठुआने लेई एदे च शामिल होने दा साहा दिता जंदा ऐ। मशहूर पंजाबी गायक जी.खान- चिराग कोतवाल-दीपक कुमार ते होरनें- मुकामी ते लोक कलाकारें 18 जनवरी गी दर्शकें दा मनोरंजन करगं। इस मौके पर मशहूर मकामी गायक दीपक कुमार होरें आखेआ प्रशासन नै सडकें दा सुधार- व्यापक सुरक्षा ते सुरक्षित ते यादगार अनुभव लेई पूरी चाल्ली एहदे नै जुडे दे बंदोबस्त गी यकीनी बनाया ऐ।

<><><><><><>

### **Prog. Announcement**

आकाशवाणी जम्मू दे प्रादेशिक समाचर एकांश आसेया राष्ट्रीय सडक सुरक्षा महीने दे सरबंध्यै च- अंतरु शनिवारें 25एं मिन्तें दा इक विशेष कार्यक्रम प्रसारित कीता जाग- जेदा विषे होग- "सडक सुरक्षा- जीवन रक्षा". 17 जनवरी गी दपैहरी 12 बजे प्रसारित होने आहले इस कार्यक्रम च स्हाडे परोहने होगं- कठुआ-साम्बा-रौजारी ते पुंछ दे SSP ट्रैफिक (Rural) फारुक कैसर- जेहडे इस विशे पर अपने माहिराना विचार सांझे करगं। इस कार्यक्रम दी मेजबानी साहडे न्यूज एंकर विजय बजाज आसेया कीती जाग।

<><><><><><>

### **National Sports Conf.**

जम्मू-कश्मीर आसेआ कल 17 ते अतरु 18 जनवरी गी जम्मू दे कन्वेंशन सेंटर प्रदेश दी पैहली-पैहली राष्ट्री स्तर दी खेड्डू कांफ्रेंस दी मेजबानी कीती जाहग। युवा सेवाएं ते खेड्डुं सरबंधी निदेशालय आसेआ आयोजित कीते जाने आहले दऊं दिनें दे इस कार्यक्रम दा मकसद खेड्डू ढांचे गी तगडा बनाना, युवाएं दी हिस्सेदारी गी बधाना ते 'खेलेगा भारत खिलेगा भारत' जेही राष्ट्री स्तर दिएं पैहलकदमिं मूजब अपने प्रदेश गी अगगे बधाना ऐ। इस सम्मेलन च खेड्डू प्रशासक, नीतियां बनाने आले, कोच ते खड्डूारी बी कौशल विकास, भलेआं हेठली सतह पर खेड्डू सुविधाएं दे बाद्दे विस्तार ते खेड्डुं सरबंधी टिकाऊ मंचें जेहू विशें पर बचार सांझे करडन। युवा सेवाएं ते खेड्डुं सरबंधी विभाग दिएं डरैक्टर जनरल अनुराधा गुप्ता होरें आखेआ ऐ जे इस सम्मेलन दा आयोजन एहू दर्शादा ऐ जे जम्मू-कश्मीर, खेड्डुं दे इक गढ दे तौर पर उभरियै सामने आवा'रदा ऐ। उनें आखेआ

<><><><><><>

### **Pak Drones Poonch**

कल संझा साम्बा आले राष्ट्री बन्ने ते पुंछ जिले आली कब्जा रेखा कन्नै लगदे अगेत्रे इलाकें च पाकिस्तानी ड्रोन दिक्खे जाने पर सुरक्षाबलें तुरत कार्रवाई कीती। आकाशवाणी दे जम्मू संवाददाता नै जानकारी दिती ऐ जे एहू ड्रोन पाकिस्तान आली भेठा दा इस बक्खी आए हे जेहदे पर सुरक्षाबलें तुरत कार्रवाई करदे होई गोलीबारी शुरू करी दिती। पुंछ जिले दे दिगवार सेक्टर च इक ड्रोन किश मिंटे तगर उप्पर गासै पर मंडरांदा दिक्खेआ गेआ। इस्सै चाल्ली साम्बा जिले च बी अंतरराष्ट्री बन्ने पर इक ड्रोन दी संदिग्ध गतिविधि दिक्खी गेई। एहदे अलावा रामगढ सैक्टर च इयै नेही इक होर संदिग्ध गतिविधि दी खबर ऐ। एहदे मद्देनजर सुरक्षाबलें गी फौरी तौरा पर हाई अलर्ट पर रक्खेआ गेआ ऐतां जे कुसै बी माडी घटना थमां निब्बडेआ जाई सकै। एहदे अलावा सरहदी इलाकें च बी गश्त बधाई दिती गेई ऐ।

<><><><><><>

